



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Culture and Sports

Broj 12/01-04-22801-26/21  
Sarajevo, 15.06.2021. godine

**VLADA KANTONA**

n/r Šabaredžović-Klačar Mersiha  
Sekretar Vlade

(Ovdje)

**SKUPŠTINA KANTONA SARAJEVO**

**PREDSJEDAVALJUĆI SKUPŠTINE**

(Ovdje)

Zastupnik Haris Zahiragić na 37. Radnoj sjednici Skupštine Kantona Sarajevo, održanoj dana 31.05.2021. godine, u okviru tačke Dnevnog reda „Poslanička/zastupnička pitanja, inicijative i odgovori“, u skladu sa članovima 211 i 214. **Poslovnika o radu Skupštine Kantona Sarajevo** postavio je je zastupničko pitanje, koje glasi:

**“Kako se na spisku onih kojima su odobrena sredstva pa Javnom pozivu Ministarstva kulture i sporta nalaze pojedina Udruženja koja nisu pravdali sredstva prethodnih godina, što je suprotno Uredbi o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo? Zašto nisu objavljeni tačni iznosi sredstva koja su odobrena udruženjima? Tražim da mi se, dostavi čitav spisak sa tačnim iznosima. Po kojim propisima i kriterijima je Vlada KS odredila dodatni rok za one koji nisu prošli na Javnom pozivu da dostave dokumentaciju i naknadno zadovolje uslove javnog poziva.”**

**Prilog: Zastupničko pitanje zastupnika Harisa Zahiragića**

**Odgovor na zastupničko pitanje glasi:**

(1) Na spisku onih kojima su odobrena sredstva pa Javnom pozivu Ministarstva kulture i sporta ne nalaze se "pojedina Udruženja koja nisu pravdali sredstva prethodnih godina, što je suprotno Uredbi o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo".

(2) Tačni iznosi sredstava i nazivi udruženja kojima su isti odobreni dostupni su svim zainteresovanim, pa i svakom zastupniku i nalaze se na web stranici Ministarstva kulture i sporta



Kantona Sarajevo u rubrici Obavještenja, (odmah ispod kalendara) i sukcesivno će se i dalje objavljivati kako finansijska sredstva budu dodjeljivana.

(3) Na osnovu čl. 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka), Vlada Kantona Sarajevo Zaključkom **utvrđuje stavove o pitanjima od značaja za provođenje utvrđene politike**, uređuje unutrašnje odnosi u Vladi Kantona i **određuje zadatke organima uprave** i službama, kao i radnim tijelima Vlade Kantona. **Zaključkom se odlučuje i u drugim slučajevima u kojima se ne donose druga akta.**

Predmetnim zaključkom je Vlada Kantona Sarajevo zauzela stav da se produži rok Javnog poziva za učesnike u javnom pozivu koji nisu zadovoljili sve opće i posebne kriterije utvrđene Uredbom Vlade Kantona Sarajevo o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12 – ispravka, 37/13, 16/14, 6/17 i 43/20), a koja je u vrijeme objavljivanja Javnog poziva bila na snazi. Budući da je mjesec mart 2021. godine karakterisao visok nivo zaraženih virusom Covid - 19 u Kantonu Sarajevo (vanredna situacija), te da su javne službe za izdavanje dokumentacije radile smanjenim kapacitetom ocijenjeno je da je aplikantima bilo otežano ovjeravati i pribavljati potrebnu dokumentaciju, a istovremeno veći broj aplikanata nije popunio na odgovarajući način odjeljke aplikacije tačke 5.1., 5.2., 5.3, 5.4 i 5.5 Javnog poziva po prvi put koristili za podnošenje prijave na Javni poziv. Time bi veliki broj kvalitetnih projekata koji svakako zaslužuju da budu razmotreni u startu bio diskvalifikovan i na taj način se realno ne bi mogla ostvariti politika Vlade Kantona Sarajevo da budžetska sredstva budu dostupna svim kvalitetnim projektima na jednak način.

(4)Važno je napomenuti da je Vlada KS 20.05.2021. godine usvojila Uredbu o dodjeli transfera neprofitnim organizacijama i pojedincima iz Budžeta KS koja je 03.06.2021. godine objavljena u “Službenim novinama KS”, broj 22/21, a čija primjena počinje dan nakon objavljivanja. Navedenom uredbom se predviđa uspostavljanje Registra transfera neprofitnim organizacijama i pojedincima iz Budžeta Kantona Sarajevo (Registar transfera) u koji će davalac sredstava evidentirati podatke o svim dodijeljenim sredstvima neprofitnim organizacijama i pojedincima. Na osnovu navedenog Ministarstvo kulture i sporta će unositi podatke o dodijeljenim sredstvima u novoformirani Registar. Dakle, očekujemo da će u narednom periodu svi podaci o dodijeljenim sredstvima za sufinansiranje projekat biti uneseni u Registar i na taj način transparentno objavljeni i dostupni svima.

Koordinator izrade odgovora  
na skupštinska pitanja i inicijative  
Dragan Vujmilović

**MINISTAR**

**Samir Avdić**



web: <http://mks.ks.gov.ba>  
e-mail: [mks@mks.ks.gov.ba](mailto:mks@mks.ks.gov.ba)  
Tel/fax: + 387 (0) 33 562-062  
Sarajevo, Reisa Džemaludina Čauševića 1

